

Näai't ti'll'jak Kela taaks

Kela ko'rvvad tiörvâsvuõđhuõ'lle tuejjuum maa'tk'id, jõs mä'tkk'ij tuejjuum puõccmõõžž, pä'rnnvue'rddem le'be pä'rnnpuhttmõõžž diõtt. Takainalla mä'tkk'ko'rvveet vuõkksõs maatksemnääl mie'ldd. Vuäitak vuäžžad ko'rvvõõžž takssauttmää'tkest, jõs jiõk vuei't jiijjad tõn poddsa tiörvâsvuõđ diõtt ââ'nned õlmmsaid jåå'ttemneävvoid le'be jõs õlmmsa jåå'ttemneävvoid jeä'la ââ'nnemnalla.

Kela tu'mmstõõgg mie'ldd sää'mvuu'dest jälsteei sä'mmlaid miõđât põõšši taaks ââ'nnmõõžž Kela ko'rvveem takssmaa'tk'id, jos taaks ââ'nnmõõšše lij vuâđđ tiörvâsvuõđ le'be jåå'ttemõhttvuõđi diõtt. Põõšši taaks ââ'nnem vuâđđan lij sää'm kiõll-lää'kk', ij-ka sää'mkiõllsaž ä'sšneķ taarbaš tõn diõtt jee'rab ooccâd vuõiggâdvuõđ põõšši ta'ksse Kelast.

1

Va'ljjed jiõccsad sää'mkiõllsaž jåå'dteei

Va'ljjed jiõccsad sää'mkiõllsaž vuõ'i'ğgestko'rvveem-mõõntõõllmõõžž õõ'nni jåå'dteei le'be auttsee'kk', keä'st ti'll'jak Kela ko'rvveem takssmaa'tk'id.

- Ti'ille taaks vuõ'i'ğgest jiijjad põõšši taaksâst mââimõsân peei'v ou'ddel määt'k'ciâss 14 mõõnee'st.
- Vuäitak ti'll'jed õhttan vuâra pukid teâđast âârrai mõõnnâm- da mä'ccem-maa'tk'id.
- Tuu põõšši takss i'lmmat takssmaa'tki teâđaid ti'll'jõskõõskõ'sse.

2

I'lmmet tuu põõššita'ksse säittam õhttvuõđâst

- nõmmâd da persontiođ
- addrõõžž, ko'st autt vežž tuu
- määt'k' mie'rrpäai'k' (õuddm. puõccipõrtt)
- ciâssääi'j, kuâ'ss ton õõlgak lee'd kuâsttuum häiddpäai'kest
- puä'tte-a tuu mie'ldd veä'kkneävvoid le'be sa'tti
- te'lfon-nâamar, ko'st tuu vuäžž k'idd.



3

Jos tuu ââ'nnem põõšši takss ij leäkku ââ'nnemnalla

le'be tõn vuu'dest, ko'st jeälstak ij leäkku sää'mkiõllsaž vuõ'i'ğgestko'rvveem-mõõntõõllmõõžž õõ'nni takssauttsek', vuäitak lee'd vuõ'i'ğgest õhttvuõđâst ti'll'jõskõõskõ'sse 0800 302 240 (PRO-Keskus Oy). Vuei'ttve'ted õõutveäkkä ti'll'jõskõõskõõžzi se'lvted, vuäitt-a ti'll'jõskõõskõs u'vded tu'nne tiõttum sää'mkiõllsa auttsee'kk'.

4

Čuä'jet auttsekka tuu Kela-koort.

Ko čuä'jatak auttsekka Kela-korttâd, vuäžžak mä'tkk'-ko'rvvõõžž tâ'lles taaksâst da mäâusak takssmä'tk'stad jäänmõssân 25 eeu'r jiõccva'sttõõžž. Vuâmmaš, što tuu ti'll'jem säättast vuäi'tte lee'd še jeärraz ä'sšnee'kk'.

5

Raauk tuõđstõõžž mä'tkk'-ko'rvvõõžž vääras (SV 67)

- Jos taarbaš taaks tiörvâsvuõttâd diõtt, raauk tõ'st tõn diõtt tuõđstõõžž tiörvâsvuõttuõlâst (Tuõđstõs mä'tkk'-ko'rvvõõžž vääras SV 67 – Todistus matkakorvausta varten SV 67).
- Seillad keârddmäät'k' vääras kee'rjtum tuõđstõõžž jijstad 6 mäân päâj ääi'j mä'tkk'peei'vest loogee'l. Kela vuäitt raukkâd tõn mäâibeä'l'n.
- Tuâimad Kela ärra ku'kesäiggsaž taaks ââ'nnma vuõiggâdvuõđ u'vddi tuõđstõõžž.
- Jõs häiddampäai'k' tuejllaž lij ti'll'jam tu'nne Kela-takssaaut domm-määt'k' diõtt, jiõk taarbaž tuõđstõõžž takssaaut ââ'nnmõõžžâst.